

SACROSANCTUM

CONCILIUM TRIDENTINUM

ADDITIS DECLARATIONIBUS CARDINALIUM
Concilii Interpretum, ex ultimâ recognitione

JOANNIS GALLEMART,

&

*Citationibus JOANNIS SOTEALLI
Theologi, & HORATII LUCII, ꝑ. C.
Nec non Remissionibus*

D. AUGUSTINI BARBOSÆ.

QUIBUS RECENS ACCESSERUNT UTILISSIMÆ
Additiones BALTHASARIS ANDREÆ,

J. C. Cæsar-Augustani,

*CUM DECISIONIBUS VARIIS ROTÆ ROMANÆ
eòdem spectantibus, è Bibliotheca D. PROSPERI
FARINACII, ꝑ. C.*

EDITIO REFORMATA ET SUPRA OMNES SUPERIORES
Gallicas & Belgicas locupletata, non modò sexcentis circiter De-
clarationibus, sed etiam innumeris ferè Remissionibus, permultis
item Pontificum ad varia Concilii capita insertis Constitutionibus
ac nominatim Clementis VIII. Pauli V. & Urbani VIII.

*CUM INDICE LIBRORUM PROHIBITORUM
ex Prascripto Concilii, nec non Propositionibus à va-
riis Pontificibus hucusque damnatis.*

COLONIÆ AGRIPPINÆ.

Apud FRANCISCUM METTERNICH, Bibliop.

Unter golden Waagen / Anno M. DCC.

SESSIO XVIII.

Quæ est secunda

SUB PIO IV. PONT. MAX.

Celebrata die 26. Febr. 1562.

Decretum de librorum delectu, & omnibus ad Concilium fide publica invitandis.

SACROSANCTA œcumenica, & generalis Tridentina Synodus, in Spiritu sancto legitime congregata, præsentibus in ea eisdem Apostolicæ Sedis Legatis, non humanis quidem viribus confisa, sed Domini nostri Jesu Christi, qui os, & sapientiam Ecclesiæ suæ daturum se promisit, ope & auxilio freta, illud præcipue cogitat, ut Catholicæ fidei doctrinam, multorum inter se dissidentium opinionibus, pluribus locis inquinatam & obscuratam, in suam puritatem & splendorem aliquando restituat; & mores, qui à veteri instituto deflexerunt, ad meliorem vitæ rationem revocet; corque *b* patrum ad filios, & cor filiorum ad patres convertat. *c* Cùm itaque omnium primum animadverterit, hoc tempore suspectorum ac perniciosorum librorum, quibus doctrina impura continetur, & longè lateque diffunditur, numerum nimis excrevisse, quod quidem in causa fuit, ut multæ censuræ in variis provinciis; & præsertim in alma Urbe Roma pio quodam zelo editæ fuerint, neque tamen huic tam magno ac pernicioso morbo salutarem ullam profuisse medicinam; censuit, ut delecti ad hanc disquisitionem Patres de censuris librisque quid factu opus esset, diligenter cõsiderarent, atque etiã ad eandem sanctam Synodum suo tempore referrent; quò facilius ipsa possit varias & peregrinas doctrinas, tanquam *d* zizania, à Christianæ veritatis tritico separare, deque his commodius deliberare, & statuere, quæ ad scrupulum ex complurium animis eximendum, & tollendas multarum querelarum causas, magis opportuna videbuntur. Hæc autem omnia ad notitiam quorumcunque deducta esse vult, prout etiam præsentis decreto deducit: ut, si quis ad se pertinere aliquo modo putaverit, quæ vel de hoc librorum & censurarum negotio, vel de aliis, quæ in hoc generali Concilio tractanda prædixit, non dubitet à sancta Synodo se benignè auditum iri.

Quoniam verò eadem sancta Synodus ex corde optat, Deumque enixè rogat, quæ ad pacem sunt Ecclesiæ, ut universi

a Luc. 21.*b* Luc. 1:
c Infr. Sess.
ult. circa
fin.*d* Matt. 13.
c. ita nos,
25. q. 2.

a Isai. 49. communem matrem in terris agnoscentes, quæ quos *a* peperit,
 b Rom. 15. oblivisci non potest, unanimes, *b* uno ore, glorificemus De-
 um & Patrem Domini nostri Jesu Christi; per viscera mise-
 ricordiæ ejusdem Dei & Domini nostri, omnes, qui nobiscum
 communionem non habent, ad concordiam & reconciliatio-
 nem, & ut ad hanc sanctam Synodum veniant, invitat atq; hor-
 tatur; utque charitatem, *c* quod est vinculum perfectionis,
 amplectantur; pacemque Christi, exultantem in cordibus
 suis, præ se ferant, in quam vocati sunt in uno corpore. Hanc
 ergo non humanam, sed Spiritus sancti vocem audientes, ne
 obdurent *d* corda sua, sed in suo sensu non *e* ambulantes,
 neque sibi *f* placentes, ad tam piam & salutarem matris suæ ad-
 monitionem excitentur & convertantur, omnibus enim cha-
 ritatis officiiis sancta Synodus eos ut invitat, ita complecte-
 tur.

Infuper eadem sancta Synodus decrevit, fidem publicam in
 Congregatione generali concedi posse, & eandem vim habi-
 turam, ejusdemque roboris & momenti futuram, ac si in pu-
 blica Sessione data & decreta fuisset.

REMISSIONES.

a Vide Concil. Colon. tit. de scholis cap. 9. Petr. Cened. ad Decret.
 Collect. 8. n. 2. in fine.

Indictio futuræ Sessiois.

Eadem sacrosancta Tridentina Synodus, in Spiritu sancto
 legitime congregata, præsentibus in ea eisdem Apostolicæ
 Sedis Legatis, statuit, & decernit, proximam futuram Sessio-
 nem habendam & celebrandam esse Feria quinta post sacra-
 tissimum festum Ascensionis Domini, quæ erit die 14. Mensis
 Maji.

SALVVS CONDVCTVS CONCESSVS GERMANICÆ nationi

In Congregatione generali, die 14. Martii, 1562.

Sacrosancta œcumenica, & generalis Tridentina Synodus,
 in Spiritu sancto legitime congregata, præsentibus in
 ea eisdem Sedis Apostolicæ Legatis, Universis fidem facit,
 quod omnibus, & singulis sacerdotibus, Electoribus, Princi-
 pibus, Ducibus, Marchionibus, Comitibus, Baronibus, No-
 bilibus, militaribus, popularibus, & aliis quibuscunque viris,
 cujuscunque status, & conditionis, aut qualitatis existant, Ger-
 manicæ provinciæ, & nationis, civitatibus, ac aliis locis ejus-
 dem & omnibus aliis Ecclesiasticis & sæcularibus, præsertim